

P. 557, L. -2【聞命故來】《法華經科註》卷5：「來之由者聞命故來(世界)。弘法故來(為人)。破執故來(對治)。顯本故來(第一義)皆如上說。」(X31,p.122, b5-6)《法華經通義》卷5：「以始覺有功。本覺乃顯。故聞佛音聲從下發來。意顯音聞為教體也。」(X31,p.572,c10-11)《法華經科拾》卷5：「地乃色法。以質礙為性。湧出是從下發來之相。諸大菩薩已離『現色不相應染』(八地能離)。久證『色自在三昧』。深悟實相。依正一如。性色真空。兩俱無礙。故承自在神通。一聞佛命。不用加行。亦不見上有地礙。四方奔湧。祇應聖召。故曰從地湧出品。」(X33, p.401,b2-6)《法華經授手》卷7：「從下發來四字。大有關要。實由聞字而生。則聞為能發之因。從下四字為所現之境。從者。有所原本也。下者。由內及外也。發者。即一念相應。不覺而有也。來者。即感而遂通。一時現前也。」(X32,p.758,c20-24)

P. 558, L. 1、2【況、況復】《妙法蓮華經文句》卷9〈釋從地踊出品〉：「所將眷屬者，若人情往望，謂領六萬五萬恒沙者為多，領三二一者為少，單己者隻獨；若依文往尋，六萬五萬者為少，單己者為多。文云單己獨處者，其數轉過上(p.567：-4)。…當知。一己非獨、六萬非多。」(T34,p.125,a9-15)《法華經演義》卷5：「況將等者。謂將六萬恒河沙眷屬之首領。已有六萬恒河沙矣。況乎將五萬恒河沙眷屬之首領。其數又過於將六萬恒河沙眷屬者。則其數比上又多。而不止於六萬恒河沙矣。總之。則弟子後後少於前前。而師則後後多於前前也。觀文中『況』字及『將』字者。皆重在師分上說。故後則言單己。乃唯言於師也。以其六萬恒河沙。適當師弟相等。故就此立為規格。眷屬自六萬恒沙以下。則減為五萬四萬。乃至一人。首領自六萬恒沙已上。則增為七萬八萬。乃至算數譬喻。所不能知也。如是等比者。乃是總收也。」(X33,p.228,c9-19)《法華經指掌疏》卷5：「樂遠離行者。如安樂行中。不近國王。乃至不樂畜年少弟子。沙彌小兒等是也(p.515- 517)。如是下。總結眾數。比猶類也。言已上能況、所況。論資則從多至無。論師乃從略至廣。以師對資、以資對師。主伴重重。各各無量。故云無量無邊。」(X33,p.637,b22-c3)

P. 558, L. 8【一道清淨】《大般涅槃經》卷13〈聖行品 7〉：「佛言：善男子！言實諦者名曰真法。…實諦者無顛無倒…實諦者無有虛妄…實諦者名曰大乘…實諦者是佛所說非魔所說…實諦者一道清淨，無有二也。善男子！有常、有樂、有我、有淨，是則名為實諦之義。」(T12,p.443,b19-27)《大方廣佛華嚴經》卷13

〈菩薩問明品 10〉：「佛子！諸佛世尊，唯以一道，而得出離。」(T10, p.68, c5-6)《大毘盧遮那成佛經疏》卷 17〈菩薩戒品受方便學處品 18〉：「一道者。即是一切無礙人。共出生死。直至道場之道也。而言一者。此即如如之道。獨一法界。故言一也。」(T39, p.758, b12-14)

P. 558, L. 9【六度即六萬法門】《法華文句記》卷 9〈釋踊出品〉：「既云法門，須通因果。事則從多至少，法門從少至多者，義當依理起行故也。增至六度，既結為六萬，成圓觀行，行依妙境，故度成萬，度實無萬；六中各萬，祇是一萬，無別萬也，六全是萬，無別六也。一一度行無非法界，界無界相，祇一剎那即一道也。一六既然，二三四五，準此可見。是則六中無不一、多，一切具足。當知一道至五眼來，一眼一諦皆具一萬，無非三觀觀法界也。皆云「善者」不通迷故。「多不多」，空也，「一不一」，假也，「雙非雙照」，中也。」(T34, p.324, b12-22)

P. 558, L. -3【各詣虛空七寶妙塔】參考本書 p. 462+472〈見寶塔品 11〉：佛前有七寶塔。…從地涌出。住在空中。……釋迦牟尼佛…即從座起。住虛空中。…以右指開七寶塔戶。…釋迦牟尼佛入其塔中。坐其半座。結跏趺坐。爾時大眾見二如來。在七寶塔中。師子座上結跏趺坐。

P. 558, L. -1【欣樂瞻仰】《法華經授手》卷 7：「此經家所敘聖眾來儀也。直指云。詣空禮二如來足者。表妙行一一迴向真如。以契本始二覺也。禮分身者。表後行之契前行也。行智冥交。故以讚覺者而讚歎之也。欣樂瞻仰四字。便是諸菩薩之深心本願。欲冀如來發明之。是所以顯如來久遠教化之本也。」(X32, p.759, a17-22)《法華經指掌疏》卷 5：「初循序作禮。釋迦為會主。多寶為塔主。故先禮之。化佛既屬雲集。權居伴中。故次禮之。準前。一方分身盡大千而莫容。今者地涌多千。逐樹座而徧禮。不思議境。惟信能到。右繞下。具儀稱讚。種種讚法者。大成云：或讚多寶願力洪深。處處聽法。或讚本師隨機敷演。不生疲勞。或讚分身神通妙用。感應自在。愚謂：於一一佛皆有種種讚法。如讚因行。讚果德等。據文云。以諸菩薩種種讚法。則種種似約能讚。蓋以菩薩見處不同。故讚法亦異也。禮讚已畢。還至塔所。分班侍立。以推上首問訊。故云住在一面。二尊並處。生滅難分。得未曾有。眷注不能暫捨。故云欣樂瞻仰。」(X33, p.637, c7-18)

P. 559, L. 6【梵文積至八里】參考本書 p. 08+114+705。《法華傳記》卷 1：「八載結為一部。雖略結集。葉數一由旬量。」(T51, p.49, b12-13)《法華玄義釋籤》卷 10：「相傳云：西方《法華》布一由旬。」(T33, p.883, c14-15)